

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

Foru Gobernu Kontseiluaren 189/2019 Erabakia, martxoaren 21ekoa, onesten duena Arabako Foru Aldundiaren Administrazio Orokorreko karrerako funtzionarioentzat gordetako lanpostuen zerrenda aldatzea

Urriaren 30eko 5/2015 Legegintzako Errege Dekretuak, zeinak onesten baitu Enplegatu Publikoaren Oinarrizko Estatutuaren apirilaren 12ko 7/2007 Legearen testu bateratua, 74. artikuluan dio administrazio publikoek beren antolaketa lanpostu zerrenden edo antzeko antolamendu tresnen bidez egituratuko dutela.

Euskal Funtzio Publikoaren 6/1989 Legeak honela dio zioen adierazpenean: "Legeak sistemaren egituraketak oinarri duen muintzat jartzen ditu lanpostu zerrendak, administrazio karrerako funtsezko elementu, lansari sistemaren ardatzik garrantzizkoen eta, batez ere, administrazio egiturak arrazoibidetzeko eragile bilakatuz. Lanpostuak eratzeko erabili behar diren funtsezko irizpideak eta prozedura bideak ezartzen ditu legeak, baina lanpostu zerrenda horiek erakundearen beharren benetako adierazpide izan behar dute beti eta horretan datza horien indarra. Ondorioz, lanpostu zerrenda horiek izaera dinamikoa dute eta horrek administrazio publikoaren helburuak betetzeak eskatzen duen etengabeko egokitze prozesuari jarraitu beharra dakar, beharrak aldatuz baitoaz".

Antolamendu egituren, eskumenen eta lanpostuei esleitutako eginkizunen berezko eboluzioak beharrezko egiten du lanpostu zerrenda era egokian moldatzea eta aldatzea eta, ondorioz, lanpostu bakoitzean jarduteko gaitasunak eta betekizunak ere bai.

Lanpostuak sortzeko ahalmena ematen duen aurrekontu gaitzeari dagokionez, kontuan hartu behar da zer xedatzen duen Lurralde Historikoaren 2018rako Aurrekontua Gauzatzearen abenduaren 22ko 21/2017 Foru Arauak, zeina abenduaren 28ko 71/2018 Dekretuari jarraikiz luzatu baitzen. Izan ere, haren 24.2, 24.3 eta 24.4 artikulua langileen kudeaketari buruzkoak dira, eta haietan adierazitakoaren arabera, "2018ko ekitaldian, lanpostuen zerrenda aldatzeko espedienteak honako kasu hauetan besterik ez dira onartuko: ez da gastu gehikuntzarik sortu behar, edo sortuz gero, kasuan kasuko gehikuntza bestelako lanpostuetarako kredituak murriztuz konpentsatu behar da, eta aurretik Ogasun, Finantza eta Aurrekontu Sailaren aldeko txostena behar da.

Foru sektore publikoko erakundeen aurrekontu plantillaren muga erakunde horietako langile funtzionario eta lan kontratadun langile finkoen plazen guztirako agregatuari dagokio".

Lehenengo eta behin, Diputatu Nagusiaren Sailean, Diputatu Nagusiaren Kabineteko teknikari lanpostua (1272.002), zeina zuzendaritza berari atxikita egon baita, Idazkaritza Teknikoko eta Herritarrak Atenditzeko Zerbitzuari atxikiko zaio (02.1.06). Halaber, lanpostu horri izena eta lanpostu kodea aldatuko zaizkio, eta aurrerantzean Idazkaritza Teknikoko eta Herritarrak Atenditzeko Zerbitzuko kudeaketa teknikaria izango da (1373.001), lanpostuaren ezaugarri berdina izango ditu, Ekonomia/Enpresako lizentzia eskatuko da, eta ez dira aldatuko lanpostuaren eginkizunak.

Bigarrenez, sail berean, Idazkaritza Teknikoko eta Herritarrak Atenditzeko Zerbitzuan, lanpostuen izenak aldatuko dira multzoari homogeneotasuna emateko. Administrazio Kudeaketako administraria lanpostuaren oraingo hiru dotazioak (1321.001, 2007.001 eta 002)

eta erregistro orokorreko administraria lanpostuaren lau dotazioak (1364.001, 2005.001, 002 eta 003) aurrerantzean Idazkaritza Teknikoko eta Herritarrak Atenditzeko administraria izango dira (2048.001, 002, 003, 004, 005, 006 eta 007). Gainera, Idazkaritza Teknikoko eta Herritarrak Atenditzeko Zerbitzuko kudeaketa teknikaria (1278.001) lanpostuaren izena aldatzen da, eta aurrerantzean Idazkaritza Teknikoko eta Herritarrak Atenditzeko Zerbitzuko teknikari legelaria izango da, eta horren arrazoa da alde batetik egokiagoa delako Zuzenbideko lizentzia edo horren pareko eskakizuna duten gainerako foru lanpostuekin alderatuz, eta bestetik bereizteko atxiki zaion dotaziotik, aurreko paragrafoan adierazi den bezala.

Hirugarrenez, zuzendaritzek eskatuta, derrigortasun data jarriko zaie bi lanpostu hauei, zeinak orain hutsik baitaude: Funtzio Publikoko teknikari legelaria (1180.002) eta kulturako administraria (2003.001), 3. hizkuntza eskakizunarekin lehenengoa eta 2. hizkuntza eskakizunarekin bigarrena, eta 2019ko urtarrilaren 1eko derrigortasun data iraungiarekin.

Bukatzeko, hutsa zuzenduko da lanpostu zerrendaren azkeneko aldaketan, zeina 2019ko otsailaren 20an sartu baitzen indarrean, Foru Gobernu Kontseiluaren otsailaren 19ko 105/2019 Erabakiaren arabera. Erabaki horretan eskakizun gisa jaso zen Heziketa Fisikoko lizentzia titulua izan behar zela lanpostua betetzeko kiroletako goi-mailako teknikarien bi dotazioetan (1265.001 eta 002, hurrenez hurren). Esleitu zen kodea 243 izan zen, baina benetan 215 kodea agertu behar da.

Entzunaldi izapidea egin da, eta negoziazio prozesua gauzatu da sindikatuekin, arau haue-tan xedatutakoarekin bat etorritik: Enplegatutako Publikoaren Oinarrizko Estatutuaren Legearen Testu Bateratua onesten duen urriaren 30eko 5/2015 Legegintzako Errege Dekretua eta Euskal Autonomia Erkidegoko herri administrazioetan euskararen erabilera normalizatzeko prozesua arautzen duen Eusko Jaurlaritzaren apirilaren 15eko 86/1997 Dekretua.

Aginduzko txostenak ikusita, haiek direla bide, Enplegu, Merkataritza eta Turismo Sustapenaren eta Foru Administrazioaren Saileko diputatuak proposatuta, eta kontuan izanik Euskal Funtzio Publikoaren uztailaren 6ko 6/1989 Legeak 6.1.e) artikuluan ezarritakoa, eta Arabako Foru Aldundiaren Sailak zehazten dituen diputatu nagusiaren uztailaren 3ko 132/2015 Foru Dekretuak ezarritakoa, eta Funtzio Publikoaren Eskumenak ezartzen dituen Diputatuen Kontseiluaren uztailaren 30eko 154/1993 Foru Dekretuak eta Funtzio Publikoan Eskumena duen Sailaren Egitura Organiko eta Funtzionala onetsi zuen otsailaren 9ko 10/2016 Foru Dekretuak ezarritakoa, honako hau

ERABAKITZEN DUT

Lehenengoa. Onespina ematea Arabako Foru Aldundiko karrerako funtzionarioentzat gordetako lanpostuen zerrenda aldatzeari, ondoren xedatutakoaren arabera:

- Diputatu Nagusiaren Kabineteko teknikari lanpostua (1272.002) berraxikitzea I. eranskinean ageri denaren arabera.
- Lanpostuaren izena eta kodeak aldatzea II. eranskinean ageri den bezala.
- Iraungitako derrigortasun data jartzea (2019/01/01) Funtzio Publikoko teknikari legelaria (1180.002) eta kulturako administraria (2003.001) lanpostuei.
- Hutsa zuzentzea Foru Gobernu Kontseiluaren otsailaren 19ko 105/2019 Erabakian, zeinaren bidez Heziketa Fisikoko lizentzia tituluari esleitzen baitziztaion 243 kodea, baina benetan 215 kodea behar du.

Bigarrena. Erabaki honek Foru Gobernu Kontseiluak onetsi eta hurrengo egunetik aurrera izango ditu ondorioak, nahiz eta ALHAOn geroago argitaratu.

Hirugarrena. Erabaki honen aurka administrazioarekiko auzi errekurtsua jarri ahal izango da, bi hilabeteko epean, Gasteizko Administrazioarekiko Auzi Errekurtsioetarako Epaitegia- ren aurrean, edo bestela, hilabeteko epean, berraztertze errekurtsua, ebazpena eman duen

erakundearen beraren aurrean; hori guztia, Administrazioarekiko Auzien Jurisdikzioa arautzen duen uztailaren 13ko 29/1998 Legearen 46.1. artikuluan -Administrazio Publikoen Administrazio Prozedura Erkidearen urriaren 1eko 39/2015 Legearen 123. artikuluekin loturik- aurreikusitakoaren arabera.

Gasteiz, 2019ko martxoaren 21a

Enplegu, Merkataritza eta Turismo Sustapenaren eta Foru Administrazioaren diputatua
CRISTINA GONZÁLEZ CALVAR



Arabako Foru Aldundia
Diputación Foral de Álava

Enplegu, Merkataritza eta Turismo Sustapenaren
eta Foru Administrazioaren Saila
Departamento de Fomento del Empleo, Comercio
y Turismo y de Administración Foral

Funtzio Publikoko Zuzendaritza
Dirección de Función Pública

I. ERANSKINA

BERRATXIKIPENA	
EGUNGO ATXIKIPENA	ATXIKIPEN BERRIA
02.1 DIPUTATU NAGUSIAREN SAILA	
1272.002	Diputatu Nagusiaren Kabineteko Teknikaria
02.1.06 IDAZKARITZA TEKNIKOKO ETA HERRITARRAK ATENDITZEKO ZERBITZUA	

II. ERANSKINA

IZENAREN ALDAKETA			
EGUNGO IZENA		IZEN BERRIA	
02.1 DIPUTATU NAGUSIAREN SAILA			
1272.002	Diputatu Nagusiaren Kabineteko Teknikaria	1373.001	Idazkaritza Teknikoko eta Herritarrak Atenditzeko Zerb. Kudeaketa Teknikaria
02.1.06 IDAZKARITZA TEKNIKOKO ETA HERRITARRAK ATENDITZEKO ZERBITZUA			
1278.001	Idazkaritza Teknikoko eta Herritarrak Atenditzeko Zerb. Kudeaketa Teknikaria	1278.001	Idazkaritza Teknikoko eta Herritarrak Atenditzeko Zerb. Teknikari Legelaria
1321.001	Administrazio Kudeaketako Administraria	2048.001	Idazkaritza Teknikoko eta Herritarrak Atenditzeko Zerb. Administraria
1364.001	Erregistro Orokorreko Administraria	2048.002	Idazkaritza Teknikoko eta Herritarrak Atenditzeko Zerb. Administraria
2005.001	Erregistro Orokorreko Administraria	2048.003	Idazkaritza Teknikoko eta Herritarrak Atenditzeko Zerb. Administraria
2005.002	Erregistro Orokorreko Administraria	2048.004	Idazkaritza Teknikoko eta Herritarrak Atenditzeko Zerb. Administraria
2005.003	Erregistro Orokorreko Administraria	2048.005	Idazkaritza Teknikoko eta Herritarrak Atenditzeko Zerb. Administraria
2007.001	Administrazio Kudeaketako Administraria	2048.006	Idazkaritza Teknikoko eta Herritarrak Atenditzeko Zerb. Administraria
2007.002	Administrazio Kudeaketako Administraria	2048.007	Idazkaritza Teknikoko eta Herritarrak Atenditzeko Zerb. Administraria